

Ո Ր Ո Շ ՈՒ Մ

Ճանապարհային ոստիկանության վարչական իրավախախտման վերաբերյալ գործով 15.08.2021թ. կայացված ԱՖ757464 որոշումն անփոփոխ, իսկ վարչական բողոքն առանց բավարարման թողնելու մասին

<<27>> 09 2021թ. 7-13-

14651

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Վահան Սարգսյանի ՄԴ/76521-21 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Քաղաք Երևան, Նորք-Մարաշ վարչական շրջանի, Նորքի 15-րդ փողոցի 41/1-րդ տան բնակիչ Վահան Սարգսյանը դիմումով խնդրել է բեկանել Ճանապարհային ոստիկանության վարչական իրավախախտման վերաբերյալ գործով 15.08.2021թ. կայացված ԱՖ757464 որոշումը՝ նշելով, որ համաձայն չէ որոշմամբ արձանագրված իրավախախտման հետ: Միաժամանակ հեռախոսակապի միջոցով հայտնել է, որ ավելացնելու ոչինչ չունի և խնդրել է դիմումը քննարկել առանց իրեն և արդյունքների մասին տալ գրավոր պատասխան:

Դիմումի քննարկման արդյունքում պարզվել է, որ վարչական իրավախախտման վերաբերյալ գործով 15.08.2021թ. կայացված ԱՖ757464 որոշումը ենթակա է կատարման հետևյալ պատճառաբանությամբ.

<<Ճանապարհային երթևեկության անվտանգության ապահովման մասին>> օրենքի 24-րդ հոդվածի 7-րդ մասի <<ա>> կետի համաձայն՝ վարորդին արգելվում է տրանսպորտային միջոցը վարել ոչ սթափ վիճակում:

Վարչական իրավախախտումների վերաբերյալ ՀՀ օրենսգրքի 126-րդ հոդվածի 1-ին մասի համաձայն տրանսպորտային միջոցները ոչ սթափ վիճակում վարելը, եթե վարորդը միայն ալկոհոլի ազդեցության տակ է, և զանցանքը չի պարունակում սույն հոդվածի երկրորդից հինգերորդ մասերի հատկանիշները՝ առաջացնում է տուգանքի նշանակում՝ սահմանված նվազագույն աշխատավարձի հարյուրհիսնապատիկի չափով: **Նույն հոդվածի 2-րդ մասի համաձայն՝ սույն հոդվածի առաջին մասով նախատեսված արարքը կատարելը, եթե վարորդի արյան մեկ լիտրի մեջ մաքուր ալկոհոլի պարունակությունը գերազանցում է 1 գրամը կամ եթե նրա մեկ լիտր արտաշնչած օդի մեջ մաքուր ալկոհոլի պարունակությունը գերազանցում է 0.5 միլիգրամը՝ առաջացնում է տրանսպորտային միջոցներ վարելու իրավունքից զրկում՝ մեկ տարի ժամկետով:** Նույն հոդվածի 9-րդ մասի համաձայն՝ սույն օրենսգրքով նախատեսված դեպքում անձը համարվում է ոչ սթափ վիճակում գտնվող, եթե ստուգմամբ պարզվում է, որ նրա մեկ լիտր արյան մեջ մաքուր ալկոհոլի պարունակությունը 0.2 գրամից կամ մեկ լիտր արտաշնչած օդի մեջ 0.1 միլիգրամից ավելի է, կամ եթե անձի արյան կամ մեզի մեջ առկա է թմրամիջոցի կամ հոգեմետ (հոգեներգործուն) նյութի պարունակություն: Անձը

համարվում է ոչ սթափ վիճակում գտնվող նաև այն դեպքում, երբ նրա արյան կամ արտաշնչած օդի մեջ սույն մասում նշված չափով մաքուր ալկոհոլի կամ արյան կամ մեզի մեջ թմրամիջոցի կամ հոգեմետ (հոգեներգործուն) նյութի պարունակությունը ոստիկանության ծառայողի կողմից տրանսպորտային միջոցը կանգնեցնելուց կամ այդ անձին առնչվող ճանապարհատրանսպորտային պատահարից հետո, բայց մինչև նրա սթափության վիճակի զննություն անցկացնելը կամ սթափության վիճակի զննություն անցնելուց նրան ազատելը, այդ անձի կողմից ալկոհոլային խմիչք, թմրամիջոց կամ հոգեմետ (հոգեներգործուն) նյութ օգտագործելու հետևանք է:

Ուսումնասիրությամբ պարզվել է, 15.08.2021թ. ժամը 21:16-ի սահմաններում Իջևան-Երևան ավտոճանապարհի 109-րդ կմ-ի հատվածում դիմումատուի վարած <<BMW>> մակնիշի 36XX931 հաշվառման համարանիշը ավտոմոբիլը կանգնեցվել է ճանապարհային ոստիկանության ՃՊԾ 2-րդ սպայական գումարտակի 3-րդ սպայական վաշտի 2-րդ սպայական դասակի տեսուչ, ոստիկանության կապիտան Կ.Հակոբյանի և նույն դասակի տեսուչ, ոստիկանության լեյտենանտ Ժ. Կիրակոսյանի կողմից, ուժեղացված ծառայության ընթացքում: Ստուգումից պարզվել է, որ վարորդի արտաշնչած 1 լիտր օդում պարունակվել է 0.600 մգ/լ ալկոհոլ: <<Ճանապարհային երթևեկության անվտանգության ապահովման մասին>> ՀՀ օրենքի 24-րդ հոդվածի 7-րդ մասի <<ա>> կետի պահանջը խախտելու համար՝ ավագ տեսուչ, Կ.Հակոբյանը Վարչական իրավախախտումների վերաբերյալ ՀՀ օրենսգրքի 126-րդ հոդվածի 2-րդ մասով կայացվել է վարչական իրավախախտման գործով ԱՖ757464 որոշումը՝ Վահան Սարգսյանին վարչական պատասխանատվության ենթարկելու մասին:

Ճանապարհային ոստիկանության ծառայողների կողմից տրված պարզաբանման համաձայն՝ 15.08.2021թ-ին ժամը 21:16-ի սահմաններում Իջևան-Երևան ճանապարհի 109-րդ կմ-ի հատվածում ուժեղացված ծառայության ժամանակ իրենց կողմից կանգնեցվել է քաղաքացի Վահան Սարգսյանի վարված <<BMW>> մակնիշի 36XX931 հաշվառման համարանիշի ավտոմոբիլը: Վերջինիս սթափության աստիճանը ստուգվել է <<Jupiter X / RP>> տեսակի թիվ 91100591 գործարանային համարի/ստուգաչափման վկայական N040583/ ալկոտեստեր սարքով, որի արդյունքում պարզվում է, որ վարորդի 1լ արտաշնչած օդի մեջ ալկոհոլի պարունակությունը կազմում է 0.600մգ/լ, ինչի արդյունքում վերջինիս նկատմամբ կայացվել է վարչական իրավախախտման վերաբերյալ արձանագրություն և Վարչական իրավախախտումների վերաբերյալ ՀՀ օրենսգրքի 126-րդ հոդվածի 2-րդ մասով կայացվել է թիվ ԱՖ757464 որոշումը: Վ. Սարգսյանը վարչական իրավախախտման վերաբերյալ կազմված արձանագրության համապատասխան տեղում ստորագրել և ստացել է որոշման օրինակը և կատարման կարգի մասին քաղվածքը: <<Jupiter X/RP>> տեսակի թիվ 91100591 գործարանային համարի <<Ալկոտեստեր>> սարքը, ստուգաչափված է Հայաստանի Հանրապետության Էկոնոմիկայի նախարարության <<Ստանդարտացման և չափագիտության ազգային մարմին>> ՓԲԸ-ի կողմից, որն ուժի մեջ է 02.12.2020թ.-ից մինչև 02.12.2021թ. և դրանով արձանագրված սթափության աստիճանը կասկած չի առաջացնում:

Անդրադառնալով քաղաքացի Վ.Սարգսյանի կողմից դիմումում նշված սթափության աստիճանի կրկնակի ստուգման հանգամանքներին, ապա ՀՀ կառավարության 19.03.2009թ. թիվ 277-Ն որոշմամբ հաստատված ոստիկանության ծառայողի կողմից տեխնիկական միջոցով արտաշնչած օդի մեջ մաքուր ալկոհոլի պարունակության միջոցով վարորդի սթափության վիճակի զննության (ոչ սթափ վիճակում լինելու փաստի ստուգում)

իրականացնելու կարգի 2-րդ կետի համաձայն՝ վարորդի սթափության վիճակի զննությունն իրականացվում է տեխնիկական միջոցով վարորդի արտաշնչած օդի հետազոտության միջոցով՝ օդի փորձանմուշները վերցնելուց անմիջապես հետո: Քանի որ վարորդը չի հրաժարվել սթափության աստիճանը այդ եղանակով ստուգվելուց, ապա Կ.Հակոբյանի կողմից վարորդի սթափությունը ստուգվել է հենց այդ եղանակով, իսկ ինչ վերաբերվում է սթափության վիճակի կրկնակի ստուգման դիմումատուի պահանջին, ապա ոստիկանության ծառայողի կողմից տեխնիկական միջոցով օդի մեջ մաքուր ալկոհոլի պարունակության ստուգումը իրականացնելուց հետո ոստիկանության ծառայողի կողմից կրկնակի ստուգում չի իրականացվում:

Ոստիկանության ծառայողները նշել են նաև, որ իրենց և վարորդի միջև ծառայողական բնույթի խոսակցություններից բացի այլ խոսակցություններ չեն եղել:

Այսպիսով, դիմումատուի արարքում առկա է Վարչական իրավախախտումների վերաբերյալ ՀՀ օրենսգրքի 126-րդ հոդվածի 2-րդ մասով նախատեսված զանցակազմը, ուստի ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական իրավախախտման վերաբերյալ գործով 15.08.2021թ. կայացված ԱՖ757464 որոշումը թողնել անփոփոխ, իսկ վարչական բողոքն առանց բավարարման.
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում.
3. Սույն որոշման օրինակն ուղարկել Վահան Սարգսյանին և Ճանապարհային ոստիկանության ՃՊԾ 2-րդ սպայական գումարտակ:



Ե. Կարապետյան

Կատարող՝ Գ.Հրաչյան
Հեռ.՝ 011544783